

Mazarin  
3582

La Sanglante dispyte ....



**RARE BOOK  
COLLECTION**



**THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL**

Mazarin  
3582

UNIVERSITY OF N.C. AT CHAPEL HILL



00023010803



~~973~~

3582



autre tirage que l'exemplaire sur le verso VI. on  
la page 8 en chiffre 7

3582








L A  
SANGLANTE  
DISPVTE

ARRIVEE SVR LE  
ieu, entre le Cardinal Mazarin &  
l'Abbe de la Riuere, à S. Germain  
en Laye.



A PARIS,

Chez MICHEL MATTAYR, Imprimeur ordinaire  
du Roy, demeurant en l'Isle Notre Dame sur le  
Pont Marie, au Cigne,

M. DC. XLIX.



L A

SANGLANTE

DISP VTE

ARRIVEE SUR LE

ieu, entre le Cardinal Mazarin &

l'Abbe de la Riviere à St. Germain

en l'ave.



A PARIS

Chez Michel Meryer, Imprimeur ordinaire

du Roy, demourant en la Rue de la Harpe

Près l'Eglise de St. Germain

M. DC. LXX.





## LA SANGLANTE DIS- pute arriuée sur le ieu entre le Cardi- nal Mazarin, & l'Abbé de la Riuiere, à S. Germain en Laye.

**P**Vis que l'on voit ordinairement les esprits les plus  
sages & les plus posez s'emporter dans la chaleur du  
ieu à d'estranges extremitez; & sur la dispute d'un foi-  
ble auantage en venir iusques à des inuectiues sanglantes,  
& le plus souuent veritables; il ne faut pas s'estonner si  
deux hommes qui sont esclaués de leurs passions & de  
leurs vices, sont tombez dans cét inconuenient. Il n'y a  
personne qui ne connoisse l'insatiable auarice du Cardi-  
nal Mazarin, & la violente ambition de l'Abbé de la Ri-  
uiere, & qui ne s'estonne que ces deux personnages ayent  
peu contracter quelque societé: aussi comme les melchâs  
ne peuent pas s'accorder long-temps ensemble, & que  
leurs desseins estans souuent opposez par la contrariété  
qui se rencontre entre les choses mauuaises, leur yunion  
n'a pas beauconp de durée, & ne sert qu'à les rendre plus  
mortels ennemis: Ces deux fauoris qui ne s'accordoient  
que dans la fin de perdre l'Estat, à la moindre circonstance  
qui a peu diuiser leurs interests ont tesmoigné l'antipatie  
de leurs inclinations avec autant d'indiscretion qu'ils ont



de foiblesse & de lascheté. Et la passion du ieu, qui attache ordinairement ces sortes d'esprits par le desir du gain, & l'ambition de vaincre, les a fait rompre avec tant d'éclat & de violence, qu'il n'y a point d'apparence qu'ils puissent jamais estre reunis.

Le Cardinal Mazarin & l'Abbé de la Riviere auoient passé dans le ieu du Piquet la plus grande partie de la nuit, lors que quelque dispute embarrassante qui estoit arriuée à la dernière main leur fit oublier l'ordre du ieu, & les enfonça dans vne plus grande contestation, pour scauoir lequel des deux deuoit donner les cartes. Ils auoient bien quelques spectateurs, mais la crainte de desobliger l'vn des deux, retenoit leur iugement en balance, & laissoit l'vn & l'autre dans l'assurance d'auoir la raison de son costé: L'vn disoit vous auez ioué la Reine de pique, & par conséquent vous estiez le premier, l'autre vous auez tout pris & ne m'aez laissé que ce que vous ne me peuuez pas oster, c'est pourquoy vous me donnerez s'il vous plaist, c'est vn coup de parrie respond l'autre, & ie n'ay garde de quitter mon auantage, enfin le Cardinal qui vouloit estre obey dans sa maison voulant forcer l'autre de brouiller les cartes, l'Abbé les saisit avec furie & luy dit en secouant la teste, c'est pas d'aujourd'huy Monsieur que vous voulez l'emporter sur moy: Ce n'est pas d'aujourd'huy respond le Mazarin que vous me voulez disputer la primauté. Je la cede pour ce coup replique l'Abbé, mais ie seray premier à mon tour: ie l'emporteray bien, répartit le Cardinal, car ie vay rompre le ieu, il faut bien que vous continuiez reprit la Riviere, si vous ne voulez perdre la partie: l'auantage que iay sur vous, respond



répond Mazarin me la donne toute gagnée, vous nen auez point d'autre adioustel Abbé tout indigné que celuy que ie vous ay donné, & puis qu'il faut sortir des termes du ieu, si ie ne vous auois procuré la faueur du Duc d'Orleans vous ne seriez pa. à présent en France, Comment petit Beneficier interrompt le Cardinal, oyez-vous me parler de cette sottise, auez-vous oublié ce que vous estes & ce que ie suis: Et sous ombre que ie vous ay fait la faueur de rechercher vostre amitié, pretendez-vous en tirer grand auantage, sçachez que ie me moque de vostre credit, & que celuy de vostre maistre mest fort indifférent. vous ne parliez pas ainsi la veille des Rois, replique la Riuiere, lors que vous obligastes par vos prieres, & vos promesses à faire sortir malgré luy le Duc d'Orleans de la ville de Paris, pour venir à bout de vostre dessein: Il est vray respond le Cardinal, que le besoin que i'auois alors de son A. R. m'emporta à des supplications indignes de moy, & mesmes à quelques promesses extrauagantes: mais le peril estant passé, ie me moque des unes & des autres: Cette maxime adioustel Abbé, que vous auez pratiquée avec tous ceux qui ont eu affaire à vous sera fausse en mon endroit, & ie uous contraindray bien de me donner le chapeau que uous mauez promis tant de fois, & que uostre malice a si long-temps retenu: Les chapeaux rouges replique Mazarin ne sont pas faicts pour des testes uertes comme la uostre: il me feroit mieux qua vous respond la R. & ie le merite mieux aussi: Taisez-vous petit insolent continue le C. & contentez uous de nestre pas obligé den porter un iaune comme uostre pere, le uostre repart l'Abbé, bien quil en fist de toutes sortes fut



contraint de porter un bonnet uert, il ne uous laissa qu'un capet gris comme le portent les estaffiers, & uous fustes trop heureux de torcher le cul pourry du C. de Richelieu pour lesteindre dans les excremens de sa chaire percée: Cest bien à uous Monsieur le Pedant interrompt Maz. à me faire ces reproches, uous dis ie, qui de petit uostre estes deueu Ministre d'Etat, & qui par mille infames actions auez captiué lesprit trop facile de uostre maistre, vous qui uous faisant fort de sa foiblesse, auez trahy ses interests autant de fois quil sestagy des uostres, qui espiant le temps quil auoit besoin d'argent dans le ieu, par la dissipation que vous auez faire de son reuenu auez gaigné ses bones graces en luy prestant vne partie de celuy que vous luy auiez vollé, & dont vous vous payez apres avec interest, quoy que vous falsiez souuent de moitié avec ceux qu'ils gaignoient, vous en fin qui dans cette derniere conioncture l'auuez laschement trahy sur vne esperance vaine & ridicule, Est-ce par ces belles actions que vous croyez meriter vn chapeau rouge. Et pretendez-vous obliger par ces bös seruices vostre maistre à vous seruir de recors en cette occasion. Croyez moy M l'Abbé, tenez vous à ce que vous estes si vous ne voulez que luy decourants vos trahisons, ie ne desabuse entierement son esprit desia à demy persuadé de vos mauuaises intentions, & qu'au lieu de l'appuy que vous pretendez titer de luy, il ne s'employe luy mesme à vostre ruine. Auez vous suffisamment dechargé vostre bible, repart la Riuiere, apres vn peu de silence, vrayment Seigneur Mazarin vostre eloquence est fort industrieuse à decouvrir vos excellentes qualitez sous le nom d'un autre.



Mais on y peut encore beaucoup adiouster, & les Colporteurs de Paris sçauent bien encherir sur cette description, leurs boutiques sont toutes pleines de vos Panegyriques, Et i'aurois mauuaise grace de m'estendre sur vn sujet, ou les harâgeres sont plus sçauantes que moy, souuenez-vous seulement de vostre illustre naissance, de vos actions heroyques, & de l'affection que vous portent tous les François, & generallyment tous les peuples Chrestiens, mais pour respondre à vos menaces ie sçauray bien vous preuenir, & deuant que vous me puissiez mettre mal avec Ion A. R. Irriter son esprit contre vous, & luy faire abandonner vn party qu'il n'a pris que par mes conseils, & si iene me trompe, il sera bien tost suiuy du P. de C. à qui vous seruez de jouet, & qui ne feint d'entreprendre vostre deffence que pour vous empescher d'esquiuier, & retirer sous ce pretexte tout l'argent que vous auez esloigné de la France pour vous remettre apres cela entre les mains des Parisiens vos bons amis, desquels il regagnera par ce moyen l'affection qu'il auoit perdue par ses dernieres hostilitéz: Ainsi Seigneur Cardinal vos pretentions s'en iront en fumée, & les beaux desseins que vous auez de le perdre & de renuerser cette Monarchie pour vous retirer en Italie avec ses plus riches debris, periront avec vous par vn supplice digne de vos crimes & de vos trahisons. Auant que cela soit interrompit Mazarin en se iettant sur l'Abbé I'auray la satisfaction de te faire pendre, ou d'arracher de mes propres mains cette langue qui me vomit tant d'iniures, la Riuiere ne peut repliquer, pource que le C. venant des paroles aux effects, le faist au gosier, & l'auroit infailliblement estranglé, si l'au-

tre faisant vn effort ne se fust degagé de ses mains, & ne luy eust en mesme temps cassé le nez d'une gourmade le Card. voyant son sang respandu deuient enragé contre l'Abbé, & d'un coup de poing luy ayant poché le luminaire, il le faist à foy de corps, & par vn tour de croc en jambe où il est extremement adroit, le porte rudement par terre: Ils se roulent quelque temps l'un sur l'autre malgré le foible effort que faisoient les assistans de les separer, ravis de voir ces deux illustres Ministres de la France dans ce venerable estat: A la fin quelques gardes de la Reine accourus au bruit les arracherent l'un de l'autre & mirent ces deux beaux champions pleins de poussiere meurtris de coups, & barbouillé de sang en des chambres separées, iurans hautement de tirer raison de cet affront, & de faire decider leur debat par les Princes leurs suppots. Nous verrons quel succez aura cette contention, mais il y a beaucoup d'apparence quelle ne scauroit reussir qu'à nostre auantage & à la confusion de ces mauuais M.nistres, qui seront les premiers consummez au feu qu'ils ont allumé: & qui s'estendra miraculeusement apres auoir deuoré ces infames victimes.





















